



BOSNIAN-HERZEGOVINIAN FILM FESTIVAL™  
NEW YORK CITY

Kontakt: Amra Turalić  
(917) 302-2702  
[amra@bhffnyc.org](mailto:amra@bhffnyc.org)

ili

Edita Zulić  
(646) 752-5030  
[edita@bhffnyc.org](mailto:edita@bhffnyc.org)

### BOSANSKOHERCEGOVAČKI FILMSKI FESTIVAL (BHFF™) NAJAVLJUJE FILMOVE ZA SVOJE OSMO IZDANJE 13. i 14. MAJA 2011. U TRIBECA CINEMAS U NJUJORKU

**Njujork, Maj 2011.:** Bosanskohercegovački Filmski Festival (BHFF™) najavljuje jedanaest filmova za svoje osmo godišnje izdanje koje će se održati 13. i 14. maja 2011. u Tribeca Cinemas, jednoj od glavnih filmskih institucija u Njujorku.

Ove godine je organizacioni odbor dobio 26 filmova iz Australije, Bosne i Hercegovine, Finske, Francuske, Holandije, Srbije, Slovenije, Švedske i Amerike.

Ovogodišnji izbor filmova između ostalog uključuje i američku premijeru filmova: "Sex Bomb," kratki igrani film koji prikazuje djevojku koja je radila kao model i "Playboy bunny" te koja potom prelazi na Islam; "Majka," kratki igrani film koji govori o težnji majke iz Srebrenice da ponovo okupi svoju familiju; "Munira," dokumentarni film koji prikazuje jakog lidera, Muniru Subašić, tokom njene borbe za istinu i pravdu, niz godina nakon srebreničkog masakra, te "Rock n'War," kratki dokumentarni film o omladini koja se muzikom suprotstavljala zlu u toku bosanskohercegovačkog rata.

Takođe vrijedi istaći filmove kao što su "Bijelo Dugme," "Belvedere," te "Piran - Pirano."

"Bijelo Dugme," je bila legendarna rock grupa u bivšoj Jugoslaviji. Bijelo Dugme je bila prva grupa koja je skandalizovala regiju sa buntovnim ponašanjem. Ovaj dokumentarac, u režiji Igora Stoimenova, prikazuje epsku priču o seksu, drogi, rock'n'rollu i politici tokom posljednjih 15 godina trajanja Jugoslavije.

"Belvedere," igrani film Ahmeda Imamovića govori o udovici koja teži ka tome da zaboravi tragediju rata i koja provodi većinu svoga vremena brinući se o svojoj široj rodbini, te u traženju posmrtnih ostataka svoga muza i sina. Iako ova svakodnevica sama po sebi daje neizvjesnu nadu, ta nada je stavljena na test onoga dana kada udovica saznaje da je njen nećak izabran da učestvuje u reality show koji se organizuje unutar bivše neprijateljske enklave.

"Piran - Pirano" je igrani film Gorana Vojnovića koji se radi o italijanu Antoniju, bosancu Veljku, te o djevojci iz Slovenije, Anici, koji se tokom djetinjstva suočavaju sa ratom. Pola vijeka kasnije, njihovi se putevi ponovo ukrštavaju i zadnji dani rata, strah, očajnost, te ljubav i neizrecive emocije se ponovo bude - ovoga puta zato što se Antonio vraća u Piran da još jednom vidi svoje rodno mjesto prije nego što umre.



U toku festivala će isto tako biti prikazani i drugi filmovi koji su bili istaknuti na filmskim festivalima širom svijeta: "Kolaborator," "Much Ado in Mostar," "Žena u Ljubičastom" i "Snovi." Za više informacija i cjelokupan program, molimo vas da posjetite internet stranicu: <http://www.bhffnyc.org>. Karte iznose 12 dolara po bloku i mogu se kupiti na blagajni prije prikazivanja svakog bloka ili prilikom posjete BHFF™ web-stranici, do 16 sati 14. Maja 2011. Svi filmovi imaju titlove na engleskom jeziku.

Nagrade publike za najbolji kratki odnosno igrani film, te za najbolji dokumentarni film će biti predane u toku ceremonije dijeljenja nagrada u salonu Tribeca Cinemas u subotu, 14. Maja 2011 sa početkom u 22 sata.

**Bosanskohercegovački Filmski Festival (BHFF™)** je godišnja manifestacija koja promovise filmove proizvedene od strane bosanskohercegovačkih filmskih stvaraoca ili filmove na temu Bosne i Hercegovine. Od osnivanja festivala 2003. godine, BHFF™ je stekao ugled jedne ozbiljne kulturne manifestacije. Ovaj jedinstveni kulturni događaj, organizovan od strane dvije neprofitne organizacije u Njujorku, Radio Glasa Bosne i Hercegovine i Akademije Bosne i Hercegovine, služi kao platforma za promociju mladih filmskih talenata, kao i međunarodno priznatih filmskih stvaralaca, dok istovremeno doprinosi boljem razumijevanju ove zemlje, njene multikulturalnosti i kompleksne istorije. Na festivalu je do sada prikazano preko 70 igranih, kratkih, dokumentarnih, i animiranih filmova, te je bio posjećen od strane nekoliko hiljada posjetilaca.

**Radio Glas Bosne i Hercegovine** je neprofitna organizacija posvećena očuvanju i jačanju svijesti o bosanskohercegovačkoj kulturi u Njujorku i šire. Radio Glas Bosne i Hercegovine emituje sedmični radio program na bosanskom jeziku, a istovremeno je i organizator mnogobrojnih kulturno-društvenih manifestacija za bosanskohercegovačku zajednicu. Za dodatne informacije, posjetite web-stranicu <http://www.voiceofbh.org/>.

**Akademija Bosne i Hercegovine** je neprofitna organizacija koja služi kao platforma za razne kulturne, umjetničke i edukativne programe koji se vode od strane njenih članova, te koja prezentira talente i dostignuća dijaspore. Za dodatne informacije, posjetite web-stranicu <http://www.academybh.org>.

**Tribeca Cinemas** je dom filmskih premijera, svečanih prijema, te drugih javnih događaja u Manhatnu. To je središte čuvenog Tribeca Film Festivala, kao i prostor otvoren tokom cijele godine za raznovrsne privatne događaje. Za dodatne informacije, posjetite web-stranicu <http://www.tribecacinemas.com/>.

###

